

Внеклассный мероприятий

«Я.П. Майоров-Шкетан – уста мутмастар»

Цель: М. Шкетанын илыш корныж да произведенийже-влак нерген шинчымашым келгемдаш
Задаче-влак:

Туныктышо: сылнымутчын паша саскаж дене палдараш, илышыште мыскаран кӱлешлыкшым умылен мошташ туныкташ.

Вияндыше: кутырымо да возымо йылмым лывырташ.

Шуарыше: тунемше-влакым писательын сылнымутшо дека шӱмандаш, тудым тачысе илыш ден кылден мошташ туныкташ.

1 ведущий. Поро кече, пагалыме туныктышо, тунемше да уна-влак.

2 ведущий. Яков Павлович Майоров-Шкетанлан 125 ияш лӱмгечыжлан пӧлеклалтше пайремнам тӱнгалына веле.

Почеламут уло класс (Надежда Акулова «Ок мондалт нигунам»)

1 ведущий. А тый палет, Катя, Шкетан кӧ лийын?

2 ведущий. Кузе ом пале! Чавайн гаяк шуко йыжынан писатель. Тылеч посна уста прозаик, чолга драматург, тале публицист да мер пашаенг.

1 ведущий. Тидеч посна, Яков Павлович национальный театрым вияндымаште чот полшен, ятыр пьесым возен. Марий театрын вуйлатышыже да режиссёржо лийын, тугак артист семын шуко рольым чонен. Шкетанын мастарлыкше ий гыч ийыш, пьеса гыч пьесыш кушкын толын. Театр пашам саемденак шоген.

2 ведущий. Мемнанат мастарлыкнам ончалза! «Ораде» кок кыдежан мыскылчык гыч ужаш.

Сценке «Ораде» кок кыдежан мыскылчык гыч ужаш

1 ведущий. Каласыде ок лий, Яков Павлович поэзийыштат шке вийжым терген. 1920-шо ийла тӱнгалтыште ятыр почеламутым, мурым серен.

2 ведущий. Айда иктыжым колыштына. Тендан ончылно Глеб Соколов почеламутым йонгалтарен пуа.

Глеб Соколов «У муро»

1 ведущий. Шкетан сылнымутышто эре йонгыдо, у корным кычалын. Драматургийын кушкыжмо, поэзий дек кумыланме деч вара тудо прозышко куснен. Йоча-влакланат сылне произведений-влакым пӧлеклен, марий йоча литературым шуарымаште кугу надырым пыштен. Нунын кокла гыч «Мичун уке ачажат...» ойлымашыже. Тый шарнет тиде ойлымашым?

2 ведущий. Кузе ом шарне! Мыйын гаяк ийготан йоча нерген вет ойлалтеш. Айста тиде ойлымашын ик изи ужашыжым шарналтена.

Мамаева Екатерина «Мичун уке ачажат...» ойлымаш гыч ужаш

1 ведущий. Шкетан литературный критик семынат тыршен. Самырык поэт-влакын возымыштым лончылен, кушкашышт уло кумылын полшен. Тудо марий йылмылан кугу верым ойырен, шочмо йылме чот виянже, йонгыдо, раш, поян лийже манын, шуко статьям савыктен. Шкеже лывырге, сылне, яндар марий йылме дене возен.

2 ведущий. Витле наре почеламут Шкетанлан пӧлеклалтын. Нуным лӱмлӧ поэт-влак Сергей Чавайн, Миклай Казаков, Макс Майн, Семён Вишневский, Валентин Колумб да молат возеныт. Тыгак тӱнгалше-влакат сереныт. Нунын коклаштыже Зоя Беляева. Анна Пирогова тудын почеламутшым лудын пуа.

Пирогова Анна «Шкетан – мыскараче»

2 ведущий. Шкетан поснак 20-шо ийлаште пеш шуко псевдонимым кучылтын: Майорын, Й.Шартан, Товат, Озыркан, М.Ошлан, Ошламари, Крешын, Кокшага, Наган, Тортамортин да тулеч моло.

1 ведущий. А молан тынар шуко?

2 ведущий. Тудо сатирический да юмористический произведенийже-влакым Шадыртан, Кугу Шадыртан лӱм дене возен. Ял озанлык паша нерген возымо нерген – Пагул Япык, Ошла Крешын, Ошла псевдоним-влакым кучылтын, общественный илыш нерген возен гын – Майоров, Майор псевдоним дене серен. А сылнымутан литературышто Майоров-Шкетан лӱм дене палыме.

1 ведущий. Кумлымшо ийлаште Майоров Шкетанын творчествыже утларак писын виян, одарланен, уэмын. Тиде жапыште тудо шкенжын эн сай произведений-влакым возен. Поснак нуным 1935-1936 ийлаште серен. Тудо илышыште лийше явленийым мыскара йӧре койдара. Ойлымашыже-влак келге содержаниян улыт.

2 ведущий. Тендан ончылно Софья Басова «Мыйын упшем» мыскара ойлымаш дене.

Басова Софья «Мыйын упшем»

1 ведущий. Ёмыржӧ кӱчык лийын гынат, М. Шкетанын сылнымутышко пыштыме надырже моткоч одарле, серыпле да шергакан.

2 ведущий. Писательын мурпогыштыжо – мемнан калыкнан волгыдо уш-акылже, шӱм-чон ойыпшо, койыш-шоктышыжо, ойыртемеже.

1 ведущий. Тудын творчествыже шочмо мланде да тудын калыкше дене ойыраш лийдымын кылдалтын. Яков Павловичын лӱмжӧ мондалтдыме.

2 ведущий. Тендан ончылно «Марий Эл» муро йонга.

5 класс

1 ведущий. Педагог да наставник ий мучашлалтеш. Туге гынат, ме тендалан, туныктышо-влак, тау мутым ойлена да вуйнам савена.

2 ведущий. Ончыкыжымат тыгак поро да тыматле лийза, тек илышда куан да пиал дене тӱргоч ташлалтеш, пашада ушнен толжо, кумылда эреак кӱшнӧ лийже!

1 ведущий. Катя Мамаева Лидия Иксанован «Туныктышо» лӱман почеламутшым лудын пуа.

Катя Мамаева «Туныктышо»

1 ведущий. Тидын дене вашлиймашна мучашке лишеме. Чеверын!

2 ведущий. Вес гана вашлиймешке!